

**ZAKON
O IZMJENI I DOPUNAMA ZAKONA O OMBUDSMENU ZA LJUDSKA PRAVA
BOSNE I HERCEGOVINE**

Član 1.

U Zakonu o ombudsmenu za ljudska prava Bosne i Hercegovine („Službeni glasnik BiH“, br. 19/02, 35/04 i 32/06) u članu 1. stav 1., iza riječi: „zaštite“ dodaju se riječi: „ i promocije“.

Član 2.

Iza člana 4. dodaje se novi član 4a. koji glasi:

„Član 4a.

1. Ombudsmeni, u skladu sa članom 17. Opcionog Protokola uz Konvenciju protiv torture i drugih okrutnih, neljudskih ili ponižavajućih postupaka ili kažnjavanja („Službeni glasnik BiH – Međunarodni ugovori“, broj 08/08), obavljaju poslove preventivnog mehanizma za sprječavanje torture i drugih surovih, neljudskih ili ponižavajućih kazni ili postupaka.
2. Ombudsmeni mogu, u svako doba i bez prethodne najave, posjetiti mjesta u kojima se nalaze osobe lišene slobode, mjesta u kojima se nalaze osobe kojima je ograničena sloboda kretanja i mjesta u kojima su smještene ili borave pojedine grupe. Ombudsmeni imaju pravo pristupa svim mjestima – prostorijama u kojima se nalaze osobe lišene slobode, poštujući pravila o kućnom redu i utvrđene zabrane pristupa donesene od strane kazneno popravnog zavoda u koji dolaze.
3. Godišnji izvještaj o radu Institucije obavezno sadrži posebno poglavlje o funkcioniranju preventivnog mehanizma sa preporukama.
4. Institucija posebnim Pravilnikom reguliše organizaciju i način rada, kriterije za izbor predstavnika organizacija civilnog društva, akademske zajednice i ostalih stručnjaka uključenih u funkcionisanje preventivnog mehanizma.“

Član 3.

Iza člana 36. dodaje se novi član 36a. koji glasi:

„Član 36a.

U svrhu zaštite i promocije ljudskih prava i sloboda, Institucija će održavati redovne i tematske konsultacije sa organizacijama civilnog društva, međunarodnim organizacijama i tijelima struke i akademske zajednice.”

Član 4.

Član 39. mijenja se i glasi:

„Član 39.

1. Institucija, shodno odredbama Zakona o finansiranju institucija Bosne i Hercegovine („ Službeni glasnik BiH“, br. 61/04, 49/09, 42/12, 87/12 i 32/13) kojima se regulišu postupci pripreme srednjoročnog planiranja, pripreme i izrade Dokumenta okvirnog budžeta i nacrt godišnjeg budžeta, izrađuje budžetski zahtjev, koji u formi nacrt dostavlja Ministarstvu finansija i trezora BiH do 1. avgusta tekuće godine za narednu godinu.
2. Ministarstvo finansija i trezora BiH dužno je do 20. avgusta tekuće godine pripremiti mišljenje na dostavljeni zahtjev Institucije, koja svoj bužetski zahtjev sa mišljenjem Ministarstva finansija i trezora BiH dostavlja Komisiji za finansije i budžet Predstavničkog doma Parlamentarne skupštine Bosne i Hercegovine i Zajedničkoj komisiji za ljudska prava Parlamentarne skupštine Bosne i Hercegovine.
3. Komisije iz stava 2. ovog člana dostavljaju svoja izjašnjenja po dostavljenom budžetskom zahtjevu Instituciji i Ministarstvu finansija i trezora BiH najkasnije do 15. septembra tekuće godine, a Ministarstvo finansija i trezora BiH dužno je da uvrsti budžet Institucije u Nacrt zakona o budžetu institucija BiH za narednu godinu u skladu sa preporukama iz izjašnjenja navedenih komisija. U slučaju da preporuke iz izjašnjenja komisija nisu istovjetne, mjerodavno je mišljenje Komisije za finansije i budžet Predstavničkog doma Parlamentarne skupštine Bosne i Hercegovine.
4. Vijeće ministara Bosne i Hercegovine i Predsjedništvo Bosne i Hercegovine neće vršiti smanjenje Nacrta budžeta Institucije koji je sačinilo Ministarstvo finansija i trezora BiH nakon izjašnjenja navedenih komisija, osim u slučajevima kada je smanjenje budžeta uzrokovano izmjenama propisa kojima se regulišu prava i obaveze u vezi sa pojedinim stavkama rashoda za sve budžetske korisnike.
5. Odobreni budžet mora obezbijediti funkcionalnu nezavisnost Institucije i njeno funkcionisanje bez dodatnih uslovljavanja.“

Član 5.

Ovaj Zakon stupa na snagu osmog dana od dana objavljivanja u “Službenom glasniku BiH”

PS BiH broj _____
____.oktobar 2017.godine
Sarajevo

Predsjedavajuća
Predstavničkog doma
Parlamentarne skupštine BiH
Borjana Krišto

Predsjedavajući
Doma Naroda
Parlamentarne skupštine BiH
Bariša Čolak